





第一一八九册

四庫全書

●上海古籍出版社

本冊目次

心泉學詩稿	附錄	仁山文集	自堂存藁	寧極齋稿	附釋希坦詩稿	九華詩集	紫巖詩選	在軒集	吾汶藁	存雅堂遺稿	補牙琴吟集	月洞集	百正集	眞山遺稿	富山遺稿	則堂集	西湖百詠	廬山集	英溪集	佩章齋集
-------	----	------	------	------	--------	------	------	-----	-----	-------	-------	-----	-----	------	------	-----	------	-----	-----	------

宋蒲壽宬撰……………八三五		宋金履祥撰……………七八三	宋陳杰撰……………七三九	元陳植撰……………七二三	宋陳深撰……………七一一	宋陳巖撰……………六八七	元吳師道編……………六五三	宋于石撰……………六二九	宋黃公紹撰……………五六一	宋王炎午撰……………五二五	清張燧輯……………五〇一	宋鄧牧撰……………四八九	宋王鉉撰……………四六三	宋連文鳳撰……………四四七	宋眞桂芳撰……………三六五	宋方夔撰……………二七三	宋家鉉翁撰……………二三三	明陳贊和韻……………一六七	宋董嗣杲撰……………一	宋俞德鄰撰……………一
---------------	--	---------------	--------------	--------------	--------------	--------------	---------------	--------------	---------------	---------------	--------------	--------------	--------------	---------------	---------------	--------------	---------------	---------------	-------------	-------------

欽定四庫全書

集部

佩韋齋集

目錄
卷一
五

欽定四庫全書

集部四

佩韋齋文集

別集類三宋

提要

臣等謹按佩韋齋文集十六卷宋俞德鄰撰德鄰有佩韋齋輯聞已著錄是集原本二十卷凡詩七卷雜文九卷末即輯聞四卷然考集首有皇慶壬子熊禾序稱其平生詩文多不留兼其子庸衷集僅得詩文五百二十二首

欽定四庫全書

佩韋齋文集

釐為一十六卷則集與輯聞本各為卷帙此本為後人所附綴今仍分著于錄從其初也禾序又稱紫陽方侯亦以文名嘗序公集載其遺事如作傳然且以能保晚節而心服之云云紫陽方侯即歛人方回宋末為睦州守以州降元元擢為總管者也此本佚去此序殆後人以德鄰高節不減陶潛不欲以回序污之故黜而刊削歟德鄰詩恬澹夷猶自然深

詳校官庶吉士臣李如筠

主事臣呂雲林覆勘

覆校官中書臣田尹衡

校對官中書臣王鍾泰

謄錄舉人臣劉禮

遠在宋末諸人之中特為高雅文亦簡潔有
清氣體格皆在方回桐江集上蓋文章一道
關乎學術性情詩品文品之高下往往多隨
其人品此其一微矣乾隆四十一年五月恭
校上

總纂官臣紀昀臣陸錫熊臣孫士毅

總校官臣陸費墀

欽定四庫全書

佩韋齋文集

欽定四庫全書

集部四

佩韋齋集目錄

別集類三
宋

卷一

古詩四十七首

卷二

古詩三十三首

卷三

古詩五十一首

欽定四庫全書

佩韋齋集

卷四

律詩六十九首

卷五

律詩五十六首

卷六

律詩五十五首

卷七

絕句七十一首

卷八

賦二首

雜著十二首

卷九

記八首

卷十

序十一首

卷十一

欽定四庫全書

雜著新集
目錄

序十首

卷十二

序四首

說五首

祭文三首

卷十三

表牋二十二首

狀二首

卷十四

啟十八首

卷十五

啟十三首

卷十六

劉子二十二首

疏牒十首

卷十七

欽定四庫全書

雜著新集
目錄

輯聞一

卷十八

輯聞二

卷十九

輯聞三

卷二十

輯聞四

佩韋齋輯聞序

余童非讀書粗能強記一二至聞先生長者緒言餘論雖曠日累月猶在負劍辟咤時也今老矣神志衰耗前後遺忘間者追念舊聞十七八九因竊自慨炎暑重赫友朋絕不往來藜牀北牖呻吟吟兒輩濡筆錄之得數千言雖卑汙庸俗可厭可鄙然疑信實區蓋之談殆與玉卮亡當者異也先儒有筆記有漫錄有燕語為書不一皆義出六經事兼百氏究帝王之則啓聖賢

欽定四庫全書

佩韋齋集

得又將續書俞德鄰原序

佩韋齋集原序

文者道之用也天地間惟道可以立國惟文可以經世儒者一身三綱五常之道所寄也而可以徒文哉唐宋以來文章大家數不為少矣其立言之卓然不可泯者惟韓柳歐蘇最著柳固不敢望韓蘇之於歐亦未易同日語過江少失真粹矣同甫正則一時擅名江左取節焉可也南北混一以文鳴世不過數家其間卓然能不悖名教有補倫紀者亦無幾焉余於佩韋先生俞公文

欽定四庫全書

佩韋齋集

詩未嘗不三復擊節使人流涕太息不自已也公平生文多不留彙令予庸衰集僅得文詩五百二十一首釐為一十六卷不遠貽書且述公遺命曰吾詩文散落朋友間多矣或蒐輯成帙必求山林隱逸之士為之序引謹謝不敢當既不獲命則作而言曰宋三百年以儒道治世以科舉文章取士逮其亡也錄死節之臣二十有三而文臣舉三之二大抵繇科舉其選而其表表者讀四書通經博史多自洛建門庭中來風聲氣習漸涵演

進百餘年間詩人文士情性之所發禮義之所止一言一詠猶足起人悠然深長思蓋豐芑菁莪之澤遠矣嗚呼文章何負於人國哉道理豈空虛無用之物哉讀公之文考公之行益以信嗚呼士大夫立身宇宙間時有險易位有大小而其抗志厲行亦有行止久速之不同尹當任夷當清箕當囚微當去孔明非骯髒元亮非沈冥要亦自靖自獻各行其素而已達居事任固有迫於命義不容已者公舉癸酉進士科猶在下位特以文學

欽定四庫全書

學士集

二

負世重望為當路羅致方其却質軍中爵祿在前刀鎧在後公獨不撓不懾從容懇款以全其身一難也身愈退望愈高諸公貴人交刺無虛歲公於此時卑則易流高則易抗迺獨處之有道得以優游餘年終遂其志二難也飲酒諸篇酷似陶遣懷等作大類子美則其時實使之然公之詩閒雅冲澹中發揚蹈厲之意存焉其文則論辨閎深敘述詳核忠厚懇惻之情藹如也近律駢儷亦皆典則精緻原其所尚體要則綜涉網常造次理

道又不可與尋常詩人文士例論矣宇宙神交志同千里若共肝膈道同千載若合符契况世之未久乎余亦癸酉進士蓋親歷而知之者也公之學以六經語孟為本雖史傳百氏之書靡不該洽而必以此道為之指歸論古今事得失人物臧否皆有所折衷輯聞四卷學自格物致知者誠不可不於此有考也紫陽方侯亦以文名與公交游最久嘗序公集載其遺事如作傳然且以能保晚節而心服之公之為人其所謂表裏一致終始一節者與語曰有德者必有言又曰歲寒然後知松栢之後凋也先生具有之皇慶元年壬子四月既望建安熊禾序

欽定四庫全書

學士集

三

欽定四庫全書

佩韋齋集卷一

宋 俞德鄰 撰

古詩

古意五首

迢迢長安道古堠雙復雙游子辭家去去去何所適素
滴昔轉玄朱幾今由白悠悠世路難江湖虎豹宅楊朱
泣途窮魯叟悲麟獲願言訖負擔歸與慰岑寂

疊疊天上雲滔滔海中波時哉不與我况復未息戈浮

欽定四庫全書

佩韋齋集

氛冒曾嶺君去將如何君吟行路難妾思康戍歌積憂
懷心瘁采薇南山阿

悠悠君何之恍恍妾影隻蕭蕭兩鬢絲寒衣不堪織縱
使堪織衣練能成幾尺西窻暗雨鳴孤燈耿復滅君心
如妾心妾心匪木石

皎皎天上月輝光燭蓬門蓬門亦何有古鏡堂上懸妾
心如古鏡磨盡明不昏君心鏡上塵磨去不復存倚嗟
賤妾心與君難具論

憶妾初嫁時感君塗莢茨嫁君未三載君行河北隲長

庚耿天際飯粟羹伏雌君云去不遠五月當來歸聞君
往從軍裘馬事輕肥蓬蒿沒深巷風露淒妾衣夫君豈
不念將由道路遙道路或孔通妾憂寧不知

吳郡齋遣懷

齋居苦無寐散屨步芳園花柳度暖風莓苔滋宿雨疊
嶂隱簷牙幽禽哢林莽池光盈敞牖日氣石吞吐迴眺
觀層城狂歌隘天宇條歡景已流俄思愁復聚楚秦鍾

欽定四庫全書

佩韋齋集

儀悲越吟莊烏苦人情異窮達上思渺令古信美非吾
鄉歸心屬蘭杜

龔聖宇號翠岩晚歲更號岩翁為賦

春風桃李顏歲寒松柏心達人步大方靜愛無絃琴無
絃豈堪聽絃外多遺音世涂甚風水對面商與參孤芳
忌羣處散材辭衆侵霜降水歸源日旭星就陰浮華剝
落盡古道誰復今吾家鴈山下翠嶽高千岑清秋灝氣
塞萬里纖埃沈安得與君去結架吟清吟

閒居遣懷三首

莓牆陰薜蘿中有一畝宅花竹分四時野鳥鳴格磔浩歌引清觴微風岸低幘百骸任舒伸一笑天地窄剥啄誰叩門門外有佳客

坐中有佳客尊中有美酒酒美客更佳一醉亡何有醉餘送客去新月挂疎柳明日欲重來已戒應門走

客至固自佳客去亦不惡起舞弄清影明月勸孤酌一杯復一杯輕颺動修薄擾擾百年間誰能得此樂酒醒

欽定四庫全書

御書新集

三

日射窓推窓見梅落

聞角

角聲嗚咽梅花老遠客夜長風草草起傾凍酒澆愁胃愁思轉多杯恨小人生石火斯須期月轉樓西角又吹咍臺一枕華胥夢明日看山笏挂順

遣興十首呈孟兵部使君

來日悲苦短顏齡恨將侵西山產靈藥暇日聊與尋尊蒼蔚巉巖免狐走高岑洪崖去不返羨門杳無音矧立

長太息誰哉知我心

雉鳴朝求雌木壞疾無枝仁心秉君子小弁怨何磯在昔共世子待烹慰驪姬亦有魯閔氏朔風衣單衣二賢豈不怨仁義固良知曼曼彼投兔跂跂奔鹿斯道死尚或瑾况乃天性為

承交食弗愛獸畜愛弗敬烈士死一言利祿安足競陞戰艱伏波井蛙敗人興不見古公子親御侯生乘雞鳴食孟門指虎相秦室所以有志士林樊屏輒跡得

欽定四庫全書

御書新集

四

時貴行道枉尋豈尺直無為趙孟間笑此陳蔡厄脩脩瓊田鶴高步何顧顧霜毛映寒月丹頂含晴暉胡不乘軒車俛啄前谿為谿水清且淪白石亦粼粼雖無魚蝦味且免雞鶩嗔

趙子有古心眠世澹如寄青編對朝夕黃花當姬侍海上逐吳人紛紛笑厓異焉知四五間政在薛公輩

俗子塵滿襟門外紛紛塞顏襲詩中英高臥翠岩側風雲入古硯鳥鳥窺凍壁似聞中饋虛桑麻欠機織母氏

聖且善門閭望朝夕擇婦要得人在德不在色

卻金我石友宵次如阮嵇灌園西郊外竹徑風煙迷我

宅今易至政擬尋幽樓卜鄰儻有分當在西枝西

我昔愛君直蚤慧機雲比一別復幾時使我費懷企夢

中往相尋宛在水中中汴水中多是驚水邊鳴鳩飛天雨

逐婦去天晴呼婦歸是驚政自樂鳩婦吁可悲

逢蒙學羿射殺羿射始神羿兮信有罪蒙哉真忍人世

涂昏若漆對面越與秦眼中今歷歷欲語愁余噴

欽定四庫全書

解東齋集

五

石門洞

衙衙雙石撐青空洞鳴瀑吼驚魚龍維舟支筇步山徑

山黑鬼笑猿啼風雲巢雪屋數羽士玉函寶笈繡展鐘

天寒木落山露骨日月隱隱行空濛九衢黃埃沒馬腹

一家歌笑百家哭雖然是山猛虎多猶勝人間賦蛇毒

靈鳥

靈鳥太多知庭樹久棲寄主人閨鳥靈遺食寓仁意鳥

亦感主恩啞啞動鳴喙心知主厭聞其主早自計大忠

易為殘至靈乃山類折翅會有期卷舌良自愧終當為
主鳴誰與喂羹哉

贈成雷師

妖氛塞乾坤乘罅毒黔首膏肓不可鍼靈文洩樞斗雷

師爛柯僊造化默授受捕蛟咎鬼神宛似彌明叟雷霆

指顧間雲雨翻覆手攜詩走江湖萬里屈伸肘平生劉

伯龍貽笑今已久誰能煩律令三揖費蕉柳嗟嗟世涂

艱魑魅白晝吼藍色雜曼膚暎眸眩妍醜我欲掃除之

欽定四庫全書

解東齋集

六

荒郊乏荆帚何當襲師術轟霆震枯朽坐使四海清物

物躋仁壽

壽沿江黃制置七首咸淳壬申作閔故書偶見

之追感昔日賓閣陪從之舊不忍刪去凄然

恨名節之難保而歎時偶之難遇也

商岩賚良弼周嶽生甫申一賢闕世運六合歸吾仁英

英丹霞翁異代獨儼倫騎驎下帝所仗鉞清塞塵塞塵

行且清器農不器兵廊廟端綬冕永永扶休明

層城護六朝長江渺萬里紫蓋照東南屏蔽獨此特連營步騎屯列逆蜀糧峙鎮撫茲匪輕倚毗良有以願言

策殊勲千歲光竹史

軍中用范老幕下羅歐陽玉人不受繫白駒猶在場乃知古君子致泰由已荒山深草木萃海闊珍怪藏周公昔此哺鳴鳳紛高岡

越流飲醇耐街亭正軍律勸懲妙微機今古軌轍一韓

昭戒夢言荀攸貴深密此事難語人端居辛時繹

欽定四庫全書

佩章齋集

七

父母斯民寄斯心斯民心仁哉彼君子天地融一襟得情貴勿喜顧畏如弗任神明次公政所至留棠陰寧使民覲德茲言良足欽

五龍閭古今顏貌儼童孺亦有赤松子駕鴻凌紫霧靜心遺紛華定力養冲素因知龜鶴年非以服食護公身天地身出處繫王度願言保千齡持用答三顧

走也晚聞道曳裾登師門師門級數仞冠珮何閭閻拂拭長光價吹噓憐苦辛永言一飯報睠然清渭濱燕飛

認巢穩馬瘦思草春何當入釣播塊北知無垠

題劉同知所藏春山訪隱圖

環洲玲瓏徑深窈曉巖翠壁摩蒼顙幽人結屋倚陰崖雲木烟蘿互縈繞維舟散廉欲往從山深樹密無行蹤徘徊谿橋自嘆息安得山下如雲龍古云大隱隱朝市朝市亦有居巢子胡然見面不見心咫尺涓涓隔春水

贈雷岩趙相士

雷填填雨冥冥千巖萬壑白晝暝真人宴坐神不驚一

欽定四庫全書

佩章齋集

八

瞬百怪無留形風休電止天寓淨頂笠執包談性命龍鉛虎汞世莫知更說榮枯動人聽壺子久不作季咸亦已矣杜德衡氣無二機靡靡波流寧底止矧伊浮世上旋轉如飛蓬死生夢蝶成蝶夢禍福得馬失馬翁羊裘垂釣或諫議不龜手藥忽取封相形相不盡相心心莫窮雷巖雷巖不如歸卧岩之下吾亦柴桑稅吾駕明月投人戒時投美玉匱藏須待價

題補蹠翁圖

聖月無盈虧劫爐有新故嗟嗟補蹠翁乃復不早悟為
王雖云樂萬幾實心盡世尊慙衆生引手弘六度以我
智慧燈照彼入正路令人淤泥中識此清淨土我本有
髮僧靜叅無二句拊圖對青山了然見心素從茲謝筆
墨白雲共朝暮剝啄誰扣門法喜慎勿語

為馬受益題韓況畫子母牛圖

老捷耕餘飽枯蕪呼犝引犢緣故厓犢兒母懷不父懷
母子傳省形離係牧童生來識牛意倦拋臺笠曲肱睡
爾牛不寢亦不訛我亦無夢遊南柯歸來短衣不掩髀
卻笑漫漫歌夜半

甲戌遊盱江六月二十一日發武林

威弧慘無光城烏啄大屋淮雲蒼莽間千載幾荼毒憂
心甫殷殷又復正陽築正陽亦何許地接英與六傳聞
夜點兵文書下機連揮汗起負戈部伍競馳逐平明驅
出城令嚴秋氣肅豈不實苦辛主憂固臣辱前年戌襄
樊去年戌鄆復白骨秋野橫青燐陰房煜生還偶然爾

欽定四庫全書

御筆新集

九

忍怨征行促所悲世路艱無罪罹殺戮潢池弄盜兵綠
林仇餉肉茫茫幾句間風塵浣人目聖明撫遐荒先事
清聲敷干戈動邦內豈計顛臾屢扶顛要得人撥亂如
轉燭秋山翡翠青秋水蒲桃綠去去取封侯勿羨牧羊
僕

甲戌秋過了頭岩有感

昔年北兵游黃渡官軍一萬了巖駐岩前十里無人煙
馬知今日重生聚老翁殷勤指長孫生時開慶方改元
今年裏頭明年娶感荷太平天子恩傳聞鼎湖龍又逝
空餘弓劍留人世天上唯多三數公社稷蒼生誰早計

欽定四庫全書

御筆新集

十

老翁憂時色枯槁羸卧岩前分犢草京師來往千萬人
欲問明時知者少嗣皇繼聖生神靈西陲何事猶徵兵
襄樊未復鄆又急正陽新築淮又平吾儕紅額今有幾
青袍白馬紛紛是岩前鬼燐陰而青老翁說着心膽驚
願君努力扶休明翁也蒼髮橡飯安餘生

甲戌六月十四日月食過半七月十四日抵廣

信月岩有感而作

昔聞月巖巖上月無今無古無圓缺天無二日月有二
此豈鬼剔神剗出我從前月客帝京月明忽苦蝦蟇精
爾時見天會事發誓取妖墓膏寸鐵不知岩月當此時
上睹月食悲不悲我行過此三歎息此月不食彼月食
再拜山靈問川后妖墓到底受磔否

仙人巖卽事

夕陽隔溪明薛蘿數峯谿畔青差栽層層彷彿相盪摩
谿流沟湧通銀河金支翠旗颭山阿風傳霧樂鏘鑾蘇

欽定四庫全書

御書齋集

十一

雲封巖竇生靈禾仙靈脫久留僊槎奕枰丹竈斲月柯
窪尊土缶石臼磨苔剗鮮刻千歲過護以鬼物頗搗訶
谿南谿北夔罔多鯉鱸鮪鮓蛟龜鼉雷聲吼噓漑雨霓
仙筇九節扶下坡紅妝半醉誰嬌娥容顏二八細馬馱
下馬避雨吳歛歌蘭麝馥郁飄綺羅靈簫學道蠲煩痼
湘浦解佩聲瑤瑤雙成飲罷鳴雲絳藍橋一醉朱顏醺
扶桑暘谷同碧鴻玄書寶文傳豈謫浮生百歲如飛梭

當微不散柰老何

為孟希聖題字落鵲鵲畫扇

下車式怒蛙為愛蛙有氣秋風化為鵲更復有闔志叢
叢棚葉邊搜身睨而視雖非紀渚雞宛類浮圖鷲因知
氣苟存百變終不惴斯人倘若斯似可敵王愾云胡萬
夫侍甘受巾幘遺鵲兮爾固微或者寧不愧

吳江夜泊

扁舟渺何之洶洶吳江水走馬見新堤垂虹失舊址戰
艘列旌旗隨風紛旖旎須臾暝色至悲茹數聲起椎髻

欽定四庫全書

御書齋集

十二

黃鬚兒臂槍挾弧矢蒿夫趣登舟掩蓬不敢視但聞淅
夜中刁斗鳴不已及明問前途山長川瀾瀾我生苦漂
零十載行萬里焉知及茲晨憂傷淚如洗

過釣臺

行色苦迢遞人煙渺淒涼泊舟值嚴灘濯纓感滄浪赤
符識龍闕白水瞻鳳翔淳風協玄德落星隱寒芒桑溟
忽變易草木猶芬芳嗟予遘迭蹇垂老悲興亡溪湍兀

小艇嵐氣昏戰場安得釣臺釣尚友狂奴狂

蘭溪史

戎戎溪市暗翳翳山雲昏驚雷越凍雨頃刻如翻盆潦
漲蛟蜃作厓裂魑魅奔遊子亦憊恍舍棹投孤村及明
浮霽色步入蘭江門烈風煽劫火百室一二存忽逢病
羸叟呻吟行路難問之苦何疾滿體催租癡千村盡荆
杞何以輸王官嗟我擇術闇半生誤儒冠濟世雖有志
老去徒悲酸對此重惻怛凜凜毛生寒

欽定四庫全書

集一

龍門嶺

沮洳棧道濕慘澹旌竿暮經行此山中髣髴龍門句借
問山何名亦以龍門故祝融鞭火蚪正晝紛馳驚乾坤
一洪鑪何適非窘步况茲履巖岑豺狼隘前路及暮雲
氣陰霈然灑甘霖迺知天地仁不待蒼生訴

麗陽祠

峭壁出蒙籠澄溪深萍藻碧瓦映朱扉雕甍燦金榜坐
現紛後先苾芬盛盱蟹云此麗陽祠桂籍夙所掌當時

逢掖士祈禱何穰穰歎然夢寐通其應捷影響我學非
時須青紫絕妄想及茲值艱虞乾坤搖搖蕩山行愁虎
狼川游畏夔罔故鄉隔三秋煙塵極塊莽神兮罔時怨
訶護迄來往中夜若有聞縹渺隘雲仗及明泛逆溪祥
颺送雙槳

前哀哉行

妾家淞水東一門十朱輪男多止一女鍾愛歸妾身七
歲誦經史十歲學補紉十五事機杼二十供藻蘋不思

欽定四庫全書

集一

嫁張掖愛我歸寧頻去年邊事起處處驚為燐盡室遯

空谷雷雨彌半旬狐兔伴我食虎狼為我隣葦盜政猖
獷白晝昏埃塵驚憂轉成疾抱痛不敢伸傳聞官軍至
草木生歡欣豈料反縱恭舞戈獵生人倉皇不得避驅
斥行海濱避寇寇幸免依人人不仁哀哉有如此妾生
何不辰

後哀哉行

前年強寇至倉忙避空谷我里數百家及歸半魚肉去

年南軍來詎意行殺戮縱暴與寇等十家九家哭今年
迎北軍膜拜卷兩足死者歸途泥存者依草木驚魂苦
未定乃復遭驅逐淒淒壓市間寒月照逃屋乾坤等覆
持聖明均煦育而我天降凶伊誰怨荼毒哀哉勿重陳
回首訴力牧

欽定四庫全書

佩韋齋集
卷一

五

佩韋齋集卷一

欽定四庫全書

佩韋齋集卷二

宋 俞德鄰 撰

古詩

秋夜雜興三首

客舍坐不寐隱隱聞秋砧清露月中下涼颼開我襟明
河斜欲落斗柄橫欹窗寒螢亦何事徹夜長悲吟起坐
萬感集松泉響天琴海澗潤有涯山高有岑客懷浩
無極及此秋夜深

欽定四庫全書

佩韋齋集
卷二

一

涼風起秋夜露冷梧葉飛棘林照熠燿促織無停機寢
前有孤鵬鳴哺聲諺諺援琴鼓清商哀怨凝金徽伯牙
久不作至音知者稀徒令世俗耳增此兒女悲棄置復
棄置明月斜侵帷

明月何皎皎疏光入城闔永懷遼鶴去及歸無故人故
人亦何許往事不忍陳龍逝鼎河寂麟傷周道湮桑溟
變俄頃干戈偏穹垠眼中萬年少談笑乘朱輪王侯興
卿士零落隨埃塵興亡固有數貴賤亦有因孤裴冬則